

千餘名初欲飼之而近於飯僧故不爲矣今更思之前者有大役則皆飼之今來之僧以役事來到則名雖爲僧其實乃役徒也雖飼之非飯僧類也以陳米及母酒鹽醬等物雖有之無所用其令該司送于都廳分飼之○日暈兩珥夜坤方有氣如火○癸卯太白晝見○甲辰御夕講○夜流星出左攝提星入艮方天際狀如大梨尾長三四尺許色赤○日微暈兩珥太白晝見夜巽方有氣如火○丙午御夕講○夜東方北方西方有氣如火○丁未領議政金謹思等議曰凡取才分文武兩途爲士子者各因其才而勿學壯習至晚無成然後求補更蔭故年少學子專心其業無經出之人雖或有之人皆訕笑如處子之失身羞與爲任士習正而躁進之風亦杜今則童稚初學不務進修輒爲干進之計名登司馬可拾科第者亦皆希沾升斗甘心他途何嘗有一人白首窮經者乎士習之毀一至於此豈不寒心今後年未滿三十而南行除職者一切勿許赴舉如有冒年赴舉令禮曹及四館糾摘并其父兄推論一以戒勵士風一以杜遏躁進兄爲便當○夜巽方有氣如火○戊申聽朝啓○憲府啓曰金克憊等所犯凌蔑邑宰之至爲關重請遣敬差官推之傳曰如啓○夜白氣自卯地至酉地布天日暈太白晝見